

霍勉齋集（三）

石器為代

之山西雄

（明）霍與瑕

撰

域土夏商金



非嶺南之西樵也

世之西樵也當湛子講席五

中大科之名幾與岳麓白鹿鼎峙故西樵

之山西樵 霍勉齋集（三）石器為代

佈于珠三角各地是（明）霍與瑕 撰 域出現社會



霍勉齋集卷之十四



南海霍與瑕著

十三世孫

有光

重梓

世光

十二世孫進芳校字

論

聖人所以合內外之道

論曰聖人之心甚小也惟其甚小故能成其大而天下之道一以貫之夫道無內外者也內極于不可名而外極于不可禦是其體然也人惟不以小心存之故鹵莽殘裂支離潰決而道始病矣非道之病而人心之病之也甚矣心

論

霍勉齋集

卷之十四

一

不可以不小也不小則雜雜則二二則間聖人之所以爲聖人者無他無一事而不小心焉耳故極天下之至精無一時而不小心焉耳故極天下之至純惟其精且純也故內極無內外極無外一以貫之而成其大然則聖人之所甚大者其所甚小者也詩曰唯此文王小心翼翼昭事上帝聿懷多福嗚呼文王之所以爲文其以此耶惟小心故翼翼惟翼翼故昭于事而事天享帝皆由是出易所謂黃裳元吉文在中者此也後之學者不知聖人之道如此其一也或失則內或失則外失之內者曰先義而後禮禮者忠信之薄也嗟夫是焉知禮爲忠信之厚耶失之外者曰

其數可陳也其義難知也記曰無體之禮威儀遲遲威儀
卽無體也亦何有難知者是不明乎聖人之道之所自來
也記曰優優大哉禮儀三百威儀三千夫三百三千謂之
小可也而君子以爲大者蓋小無不貫然後大無不該小
之間者大之遺也是故萬室之邑一區之積也萬箱之儲
一量之積也萬仞之崇一卷之積也累小成大物固有然
而況於聖道乎聖人知小物之不可不勤也故敬以宅之
自周旋裼襲之間以至于朝廷百官田獵武功治軍臨民
之務無一物不小心焉自終食瞬息之頃以至于垂創干
百年之丕謨無一時不小心焉惟其小而無間是以大而

無遺自斯心之存也是之謂內心而無內非外也自斯心之發也是之謂外心而無外非內也內以存神外以體化神化內外通一無二是聖道也吾何以明其然也詩曰桃之夭夭灼灼其華夫灼灼者華也是必有爲之根者矣根之于華一氣流通也又曰沔彼流水其流湯湯夫湯湯者流也是必有爲之源者矣流之與源一氣流通也聖人以禮爲華以敬爲根以禮爲流以敬爲源粉飾夔倫潤澤仁義一以貫之而成其大故曰禮者殊事而合敬者也又曰大人舉禮樂而天地將爲官焉且夫道不可以內外爲也天之運也明爲日月亘爲河漢列爲星辰澤爲雨露其顯

道如此而所謂於穆不已者行乎其中矣聖人之爲禮也以日月爲度以河漢爲章以星辰爲紀以雨露爲潤其物采之宜如此而所謂至誠無息者行乎其中矣不息者何小心之謂也小心則精精則不雜小心則純純則無間是天道也易曰大哉乾乎剛健中正純粹精也又曰六爻發揮旁通情也精純內矣而內無內也旁通外矣而外無外也嗚呼知此說者其知聖人之爲禮乎愚觀周禮姬公成之六官所典品式具備其張理天下紀綱人道者彬彬然盛矣然豈聖人作於外哉夫剪彩爲華非不麗也而化工息矣鑿土爲池非不泉也而淵源匱矣學者爲禮苟徒求

聖人之文抑何以觀其深蓋愚讀豳風而知周公之化工淵源也其詩曰公遜碩膚赤鳥几几夫几几之鳥何有于公之大而詩人以歌公之碩膚如此嗟夫公之几几卽文之翼翼也周官法度由此焉基傳曰周官自周公大心中來也愚曰周官自周公小心中來也善夫程子之言曰必有關雎之意然後可行周官之法度其達禮之深乎今觀關雎之詩不過曰窈窕淑女君子好逑而已何與於周官噫是可以深長思也聖人翼翼之心始于閨門以成肅雍和平之風化法度其節文耳後世之志于禮者不於純心是務而紛紛于節文度數之講求吾不知其化工淵源之

何如也

此之謂民之父母

古之聖王不以有心爲天下而以無心順天下故可以爲天下親夫天下至大也億兆至衆也而以一人治之使一
一焉處之以有心則勢有所不及力有所不通智有所不
周才有所不贍愈維持而愈決裂愈收拾而愈渙散民心
日離欲其親我不可得矣聖王知其然故以無心順之順
民之好吾無作好焉順民之惡吾無作惡焉在上者以是
和天下之情在下者以是各得其情夫是以各樂其樂各
利其利而藹然附親其上此父母天下之道也大學曰此

之謂民之父母愚謂當自其無心觀之請演其說傳曰天地之常以其心普萬物而無心聖人之常以其情順萬事而無情夫謂天地無心可也若聖人者以一人治天下日有萬幾將勞心焦思夜以繼旦而恐不足柰之何以無情而可以濟噫此必有其說也五方之人各有性也名谷大川異限也民生其間異俗也習尚異齊也風化異宜也使一一以有心爲之得於此失於彼得於一漏於萬非惟勢力才智有所不給而人心不同如其面焉吾亦安能各遂其願而使之欣然以戴於我古之聖王知其如此故不以有心待之而以無心順之無心之心聖王所以父母天下

之真心也吾何以明其然也大傳曰乾天也故稱乎父坤地也故稱乎母天地所以父母萬物者曷嘗以有心爲之使其有心則天地之恩亦隘而不可以遍萬物萬物或幾乎息矣是故物莫不有始也乾以一元資其始物莫不有生也坤以一元資其生而凡爲流形爲光大各正保合皆因其自然之性而順成焉而萬物生其間者不相凌奪不相妨害莫不賴養於天地故曰惟天地萬物父母凡以其無心也聖王之法天爲治也又安所容其心哉是故民有好也吾因其好而好之民有惡也吾因其惡而惡之而凡爲紀綱法度爲禮樂刑政一皆因其自然之情而節宜焉

而萬民生其間者老有所終幼有所長莫不賴利於聖人故曰元后作民父母寧以其無心也蓋愚讀易至比之辭曰不寧方來上下應也而知天下所以仰親於大君者甚切而大君所以附親於萬國者甚周以爲先王於此必有秘術焉以維持天下而收拾不一之人心及觀九五之詞曰王用三驅失前禽邑人不誠然後知聖王所以親天下之要道也從天下之自好自惡自去自來自耕自鑿自作自息一因其自然而爲之所不以分毫有我之心預之是謂之顯比焉而天下之囿於聖王之仁者飽食煖衣同風順化若赤子嬉遊於和風化日之堂而不知怙恃之爲誰

也非甚盛德其何以致此故曰天地無常心以萬物之心
爲心聖人無常心以萬民之心爲心夫惟其以萬民之心
爲心則我之心卽民之心民之心卽我之心而我未始有
心我以民之心爲心則民亦以我之心爲心而上下無有
二心此太和元氣所以充塞無間也是三代之盛也書曰
如保赤子上之心乎下者何如也詩曰父母孔邇下之心
乎上者何如也又曰愷悌君子民之父母上下之交相親
愛何如也后之爲政者不以無我之心循天下而以作好
作惡之心擾天下天下欲富也而厚賦歛以竭其財天下
欲逸也而多征役以困其力天下欲壽也而峻刑罰以傷

其生是謂拂人之性將爲天下之大僂何父母之有是故爲政者不可以不慎也

古之學者爲己

君子之學其有所爲者乎其無所爲者乎其有爲而實無所爲者乎無所爲而爲者古人之所爲善學也何則凡學而有所爲者皆僞也爲富貴而學爲利達而學爲名聲赫奕而學皆僞也僞則徇乎人者也君子無所爲者誠也誠則求諸己者也是故爲己者君子無所爲而爲之實學也其究也誠則無不兼誠則無不貫而天地人物皆於我乎管焉故曰萬物皆備於我矣反身而誠樂莫大焉至哉君

子之道爲已之外無餘學矣請申之凡所謂已者以其對人而言者也君子之身天下國家之所爲賴也如學而但爲已而已則天下國家焉攸賴而楊子之取爲我者爲得其要矣胡爲乎不拔一毛聖門以爲害義又不然則言必信行必果者爲得其要矣胡爲乎硜硜堅確聖門以爲小人然則君子之學果不止於爲已也噫是未可以容易言也夫君子者將爲天地立心爲生民立命爲往聖繼絕學爲萬世開太平者也如使其但取爲我但必信果則所謂小丈夫者然豈所以語於君子然則君子之學果不止於爲已也噫未可以容易言也松栢之生也上摩青霄歷歲

時而不改柯易葉有根者如是也流水之爲物也放乎四海載厚地而不重有源者如是也君子之爲已者所以培其根而浚其源者也然根之與枝一體也源之於流一氣也爲已而天地人物一以舉之是所謂一體之流通一氣之充塞也故君子之道爲已之外無餘學矣是故立已之心非有爲於外也而天地之心立於此矣立已之命非有爲於外也而生民之命立於此矣學以明心非有爲於外也而往聖之絕學繼於此矣學以平心非有爲於外也而萬世之太平開於此矣是何也萬物皆備於我大道不離於性一性之外無餘道故反身之外無餘學而自本自枝

自源自流固其一以貫之者也是故古人之教亦多術矣
古人之學亦多方矣有六德焉有六行焉有六藝焉有九
思焉有九容焉所以周萬物者言天下之至賾而不可一
也然德也者以得吾心者也行也者以純吾心者也藝也
者以游吾心者也思也者以誠吾心者也容也者以肅吾
心者也凡以立己也已立而天下國家一以舉之是故以
得於心而天下之大本立焉以純於心而天下之大經呈
焉以游於心而天下之大業著焉以誠於心而天下之大
用顯焉以肅於心而天下之大觀化焉凡古人之所以爲
彌綸爲參贊皆於已取之而已而其取之也非曰我爲國